



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**De Virtvtvm Adeptione, Siue De Instrvmentis  
Assequendæ Virtvtis libellus R. P. Iacobi Alvarez De Paz  
Toletani è Societate Iesv**

**Álvarez de Paz, Jacobo**

**Coloniae Agrippinae, 1615**

§. 10. De Amicitia.

[urn:nbn:de:hbz:466:1-46634](https://nbn-resolving.org/urn:nbn:de:hbz:466:1-46634)



V. De Domino ac de seruis eius in bonitate sentire, & sicut exteriùs bona omnibus cupere profiteamur; ita bona illis interius desiderare & concupiscere.

VI. Operum inutilium multiplicitem vitare, & bona opera in vnâ simplicem placendi Deo intentionem colligere.

Postulatio simplicitatis: Domine Iesu Christe simplicium, & humilium amator, qui dixisti: *Sinite paruulos*, id est, simplices & puros more infan-

Matt 19.

14.

*venire ad me talis enim est regnum cælorum*: fac nos per bonitatem tuam prudentia senes, & simplicitate & vitæ munditia paruulos, vt regnum tuum in cælis positum, quod solos incoinquinos recipit libenter excipiat. Amen.

De Amicitia §. X.

**A**micitia est mutua duorum beneuolentia, in virtute fundata, & bonorum communicationi cõiuncta. Vel, vt Bernardus ait: *Vera amicitia est, qua nihil ex rebus amici querit, nisi so-*

Ber. ser. 3.

ad Soror.



lam beneuolentiã, sc. vt gratis amet amantem se Amicitia pars est affabilitas, siue comitas, qua quis, vt Thomas D.Th. 2. 2 q. 114. ar. 1 ait, conuenienter se habet ad alios homines in communi conuersatione, tum in dictis, tum in factis. Est, inquã, virtus, qua homo decenter, comiter, & suauiter se habet cum illis, quibuscũ viuut & conuersatur. Itaq; amicitia virtuti subnixã, virtutẽ ponimus; amicitia verò in bonis temporalibus, ac naturalibus, ac in sanguinis coniunctione fundatam, tanquam rem indifferentem, à ratione virtutis reijcimus.

Incitamenta ad amicitiam sunt: I. Amicitia spiritualis, Christi & Apostolorum exemplo probata est. Ille enim dixit Apostolis suis: Vos autẽ Ioa. 15. 15. dixi amicos, quia omnia quaecumque audiui à Patre meo, nota feci vobis. Rom. 16. Paulus etiam quosdam in epistola ad Romanos vocat dilectos, siue dilectissimos sibi. Item alios, ad quos scribit, Phil. 41. vocat charissimos. Et rursus: Itaq; fratres mei charissimi & desideratissimi, gaudiũ meũ & corona mea. sic state in Do-



*Domino charissimi.* Quæ omnia magnam amicitiam sonat comitem charitatis & manantē ex fonte virtutis. Alij quoque Apostoli, vt ex illorum gestis constat, socios habuerunt, quibuscum amicabilissimè conuersarūt. Non est ergo contrarium vitæ Apostolicæ & desiderio perfectionis, amicos fideles habere, quorum ope ad coelestia promouearis.

II. Amicitia est imago quædam patriæ cęlestis, in qua Angeli mutuò se diligunt, & dulcissimè ac suauissimè conuersantur. Vnde Chrysostomus de cœlo eam descendisse autumat: *Spiritualis amicitia*, inquit, *oēs reliquas excellit, tanquam regina, dominium suorum habens, splendido habitu conspicua: nihil enim hic terrenū est. vnde ista nascatur, quemadmodum in alijs: non enim ex cōsuetudine nascitur, non ex beneficentia, non ex natura, non ex tempore, sed è supernis descendit & ex ipso cœlo.*

Chry. ho. i.  
in epi ad  
Coloss.

III. Amicitia spiritualis, vtilissima est simul & suauissima: vtilissima quidem; quoniam ab amico fideli



habemus in dubietate consilium, in afflictione refrigerium, in mœstitia solatium. Ipse nobis, in necessitate temporali positus, subuenit, & in spiritali indigentia ac molestia succurrit. Quare Ecclesiasticus: *Amicus*

Ecc 6 14.  
15.16.

*fidelis, protectio fortis; qui autem inuenit illum, inuenit thesaurum. Amico fideli nulla est cōparatio, & non est digna ponderatio auri & argēti cōtra bonitatem fidei illius. Amicus fidelis medicamentū vitæ & immortalitatis, & qui inueniēt Dominū, inueniēt illū. Est etiā hæc amicitia suauissima, quoniam maxime cognata naturæ hominis, qui est animal societatem amans, quæ mutuus amor & beneuolentia delectat. Amicitia, inquit Ambrosius, est solatiū vitæ huius; vt habeas cui pectus aperias tuū, cū quo arcana participes, cui cōmittas secretum pectoris, vt colloques tibi fidelē virum, qui in prosperis gratuletur tibi, in tristibus compatiatur, in persecutionibus adhortetur.*

Amb. l. 7.  
offic. c. 16.

Actiones amicitiae sunt: I. Amicos perfectos eligere, ex quorum conuersatione spiritali profectum accipiamus:

MUS:



mus: vel studiosos, quibus in Domino prodesse possimus.

II. Amicos non propter aliquam commoditatē, nec propter voluptatem, etiam honestam, ex eorum suauit & discreta conuersatione proueniētem, amare, sed propter virtutes in eis elucētes diligere.

III. Cū amicis, quando & quomodo oportet, de rebus spiritualib. cōuersari, & ne alij offendantur, aut scandalizentur, debitā in couersando mensuram tenere.

IV. Amicis, si capaces sunt, arcana nostra communicare, & ab illis consilium, & directionem exquirere.

V. Amicorū defectus patienter ferre, nōnunquam dissimulare, & si spes emendationis affulgeat, blandē corrigere.

VI. Tempore aduersitatis amicos maximē complecti; tempore prosperitatis adgaudere illis & congratulari, & si excedant, bonis consilijs immoderatam eorum letitiam reprimere.



VII. Nihil ab amicis turpe, nihil iniustum, nihil minus honestum, minusue perfectum deprecari, sed sola honesta, sancta, & utriq; conuenientia efflagitare.

VIII. In omnibus, data nobis facultate, amicos iuuare, & ab eis libenter, cum obtulerint, in nostris necessitatibus adiutorium accipere.

IX. Idem velle idem nolle, & si aliquando iudicia dissenserint, nunquam voluntate disiungi.

X. In absentia se mutuò defendere, bonam adinuicem existimationē tueri, non tamen in hac defensione metas veritatis & regulas prudentiæ prætereire.

XI. In communi conuersatione cum illis decorum seruare, & omnem leuitatem & scurrilitatem reijbere.

XII. Ita amicitiam temperare, vt sensim ad immoderantiã non veniat, & dum alios offendit, & nos in vanã amicorum memoriam distrahit, profectui mentis officiat.



Postulatio amicitiae: Domine Iesu  
Christe, qui nos vt ex inimicis ami-  
cos faceres, & æterno Patri tuo recõ-  
ciliares, è coelis ad terram descendi-  
sti, & non semel ad mutuum amorẽ  
& beneuolentiam adhortatus es; in-  
fere pectoribus nostris spirituales  
amicitiam; charitatis filiam, & iusti-  
tiæ comitem fidelissimam; vt qui no-  
stram tibi deuouimus, affabiliter &  
amicè inter nos conuiuentes, spi-  
ritu & virtute proficiamus. A-  
men.

*De liberalitate. §. XI.*

**L**iberalitas est virtus, qua homo im-  
moderatum amorem pecuniarum  
& aliorum bonorum suorum moderatur,  
eaq; alacriter in propriam ac proximorum  
utilitatem, atque in his que honoris Dei  
sunt, alijs elargitur. Alio nomine hæc  
virtus dicitur largitas, quoniam  
non ad præcisam necessitatem &  
miseriam subleuandam, sed ad utili-  
tatem ingerendam, res tempora-  
les largius, & affluentius infumun-  
tur.